



Universitätsbibliothek Paderborn

**ELEGIA ET DEPLO-||randi hujus seculi querela,||
REVEREN=||DISSIMO ET IL-||LUSTRISSIMO PRIN-||CIPI AC
DOMINO, DOMINO || JOHANNI GUILIELMO, JULIÆ,|| Cliviæ
& Bergiæ Duci ... ||**

Grest, Wessel de

Lemgo, [ca. 1584]

Carmina proveniunt animo deducta sereno: Nubila sunt subitis tempora
nostra malis.

urn:nbn:de:hbz:466:1-34817

DEDICATORIA.

Nam tua res agitur paries cum proximus ardet.

Hic cruciatus, hæc tristitia omnium maledicorum calumnias, ut à calumniando desistant, sedare debet. In hac tanta animi perturbatione nemini mirum videbitur, versiculos incultos, & malè natos esse. Nihil enim Musis, Apollinique odiosum magis, quàm pectoris turbati mœstitia, nihil præterea gratius ipsis est, quàm vitam jucundam vivere. Nam canere Pegasides, non gemere, neque singultire consueverunt: quo se Naso excusat, cum queritur in hunc modum:

Carmina proveniunt animo deducta sereno:

Nubila sunt subitis tempora nostra malis.

Quocirca dispicienti mihi, multumque & diu quærenti, quem potissimum hujusmodi foeturæ & lucubratiunculæ meæ patronum, ac defensorem diligendum constituerem: Tuarum (Reverendissime & Illustriss. Princeps) virtutum decus, & singulare ornamentum, in hoc tristissimo casu & mihi consolationi fore, & sibi ipsi primas dedicationis partes suo quodam jure vindicare visum fuit. Quum

EPISTOLA

enim peregrini, & exteri multi, non modo heroicarum (in primis veró pietatis) virtutum cum summa humanitate, æquitate & liberalitate in subditos conjunctorum: verumetiam egregii, & à majoribus, fama super æthera notis, hereditaria quadam lege Illustris. Cels. T. innati amoris erga literas, & literatos, præcipuè veró jucundissimum poëseos studium, memores existant, cur ego quantumvis minimus subditorum clientulus, tuarum laudum non recorder? Etsi igitur de laudibus tantis nominis tui, & famæ prorsus nihil scribere, quàm pauca in medium non digna satis proferre præstiterit (quid enim attinet Solem, quod ajunt, facibus illustrare velle?) facere tamen non potui, quin præsens chartaceum munusculum Illustrissimæ Tuæ Celsitud. de mississimè dedicarem. Accipere tua Inclyt. Celsitud. hanc meam sine ullo alicujus existimationis lædendæ proposito conscriptam Elegiam, qualiscunque fuerit, dexteræ potentissimæ robore, tanquam firmissimo tutissimoque Asylo, ab invidorum morsibus tutandam benigniter, & hilari animo, meq; sibi perpetuò inter commendatissimos commendatum

DEDICATORIA.

datum habere dignetur. CHRISTUM optimum maximum (qui unicum nostrum est umbraculum; ne iusta ira DEI omnes omnium ordinum homines absumat) hoc difficili senescentis mundi curriculo barbarum acinacem & peregrinum gladium sacratissimi nominis sui hostium à pusilli gregis nidulis veræ pietatis cultui mancipatis (ne istiusmodi prædonum, & latronum stabula fiant) depellat; ignemque ardentem ex Germaniæ parietibus auferat: ac aliquam Ecclesiam in his VVestphaliæ partibus sibi clementer conservet. Vale Princeps multo clarissime, & Mecænas maxime, cum Reverendissimo & Inclyt. Celsitudinis T. Illustrissimo patre Duce Cliviæ, &c. laudatissimo atq; optimo sene Principe & Domino nostro clementissimo, totaque domo JULIACA in pacifica, nec non tranquilla gubernatione ad DEI nominis gloriam, patriæ charissimæ, ac totius Germaniæ, universique Imperii Romani honorem, atque emolumentum quàm diutissimè felix & incolumis.

B 3

Datum

*Sabini fol. 238
primis falcato
tandem agnate*

EPIST. DEDICAT.

Datum Bilveldix, anno à nativitate Christi
Jesu 1584. Mense Martio.

Reverendiſſ. & Illuſtriſſ.
Ceſi. Tuæ

*ex animo ad,
dictiſſimus*

Uveſſelus de Greſt.